



Sermon
Kxf. Dr. Numlajtsheb Yaaj


“Nco Vajtswv Txiajntsig”

Eighteenth Sunday after Pentecost
St. Michael’s and Our Savior Lutheran Church
10-13-19

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Lukas 17:15-19 “One of them, when he saw he was healed, came back, praising God in a loud voice. He threw himself at Jesus’ feet and thanked him—and he was a Samaritan. Jesus asked, “Were not all ten cleansed? Where are the other nine? Has no one returned to give praise to God except this foreigner?” Then he said to him, “Rise and go; your faith has made you well – *Lawv cov ntawd muaj ibtug pom haistias nws tej ruas zoo tas lawm, nws txawm rov qab los thiab hais nrov nrov ua Vajtswv tsaug. Nws txhos caug ntua ntawm Yexus kotaw ua Yexus tsaug. Tus ntawd yog tibneeg Xamalis. Yexus haistias, “Kaum leej twb zoo huv tibi lawm, cuaj leeg dua twg tas lawm? Vim li cas tsuas muaj tibleeg uas yog lwm haivneeg los ua Vajtswv tsaug xwb? Thiab Yexus hais rau tus ntawd haistias, “Koj cia li sawv mus tsev; koj txojkev ntseej twb ua rau koj tej ruas zoo lawm.” “Nov yog tus Tswv Txojlus.” (Cross Reference –Mathais 9:8, 22; 10:5 Malakaus 2:12, Lukas 1:1; 7; 50; 9:52; 17:4; 12-20; 18:42 1 Kauleethaus 14:25)*

Illustration “Forgotten) (Show Evanston, IL)




Muaj ib zaj keebkwm qhia txog ibtug tub lub npe hu ua Edward Spencer tabtom kawm ua xibhwb nyob rau lub zos Evanston, Illinois, thiab nws nyob rau lub koomhaum uas yog ibtug ntawm cov pab cawm tibneeg. Xyoo 1860, muaj ib lub nkoj tog rau ntawm Lake Michigan nyob ze Evanston. Edward mus pab cawm tau 17 tus tibneeg uas poobdej. Lub sijhawm uas nws mus cawm cov tibneeg ntawd, cov dej ua rau nws lub cev thiab lub zog raug mob mus tas nws tiamneej. Thaum lub sijhawm uas Edward tas nws simneej thiab lawv muab nws zais tag lawm cov xovxwm tau sau qhia haistias tsis muaj ibtug tibneeg uas nws tau cawm ntawd los ua nws tsaug li. (Our Daily Bread, February 20, 1994)

- I. Peb tibneeg koj zoo sisthoj li no rau ntawm Vajtswv thiab. Vajtswv yog tus tsim peb, pub lub ntiajteb no rau peb nyob thiab tseem niajnub tso mkwm txhuayam uas peb muaj hauv peb lub neej. Peb tsua yog thov kom Vajtswv pab peb li ub li no tiamsis peb twb tsis nco qab ua Vajtswv tsaug li. Los ntawm Nws txojkev hlub, peb tsua xav tau ntawm Vajtswv tiamsis peb tsis muaj qhov rov pub rau Vajtswv li. Qhov tseeb tiag, peb yeej tsis muaj feem haistias, “Nov yog kuv li, kuv muab rau Vajtswv.” Qhov uas peb yuav hais tiag ces yog peb yuav haistias, “Vajtswv ua koj tsaug uas koj pub kuv saib xyuas yam uas koj muab rau kuv ua tus tu. Nov yog koj li, rov koj mus ua koj tes dejnum kom lwmtus tau koj txojkev cawmdim.” (Show 10 men with Leprosy)



From The Complete Bible Story Clip Art Book. ©Gospel Light. Used by permission.

Hnubno Txojmoozoo ntawd Lukas qhia txog Yexus los ntsib 10 tus txivneej muaj tus mob hu ua “Leprosy – Mobrauas” uas yog ib yam mob ua phem kawg nkaus. Cov mob no nws “Eat the skin, causing blister and or the skin just peel off – *noj tej tawv nqaij, nws ua paug, thiab ua rau tibneeg tej nqaj cia li poob zuz.*” Nyob rau Yeuxs tiam, tsi muaj ib yam tshuaj uas yuav kho tau li. 10 tus txivneej no raug tshem tawm ntawm lawv lub zej lub zos thiab tsi pub lawv koom nrog lawv cov txheeb cov ze nyob uake (Show a leprosy hut)




Lawv tsuas yog nyob uake nrog cov uas mobruas ib yam li lawv xwb. Lawv lub neej tsuas yog ua tej tsev pheebsuab nyob txomnyem ntsuav nyob dhau ntawm

tej ntug zog. Yog tibneeg tuaj txog ze lawv, tus mobruas yuavtsum tau qws nrov nrov thiab haistias, “UNCLEAN! UNCLEAN! –TSI HUV! TSI HUV!” (Leprosy men saw Jesus in a distant)



Thaum cov mobruas hnov tias Yexus kho tau cov muaj mob zoo coob leej ntau tus thiab Yexus tabtom tuaj mus rau lub zos zes lawv chaw nyob, 10 tus mobruas ntawd txawm nyob ntawd kev tos Yexus. Lawv nyob deb deb vim tibneeg tsi pub lawv txav kom ze cov uas tsis muaj mob. Lawv thiaj li tib txhij qws nrov nrov kom Yexus hnov txog lawv vim lawv xav tau txoj kev pab. Lawv thiaj li haistias, “Jesus, Master, have pity on us! - Yexus, tus Tswv, thov hlub peb!” (Lukas 17:13) (Show one leprosy thank Jesus)



Yexus thiaj li teb haistias, “Go, show yourselves to the priests.” And as they went, they were cleansed – *Nej cia li mus cuag cov povthawj kom lawv saib nej. Thaum lawv pib mus lawv twb zoo lawm.*” (Lukas 17:14) Cov mobruas tsuas mus mentsi xwb lawv tej mobruas twb zoo tag lawm. 9 tus mus ncaj nraim, mus rau tom cov povthawj. Lawv xav haistias cov povthawj tov thiaj yuav yog cov ua kho tau lawv. 9 tus mus twb ywm tsi nco txog Yexus tej txiajntsig uas Nws twb pab lawv dim txojkev mobruas. Ua ntej no lawv sawvdaws thov kom Yexus kho lawv tiamsim thaum Yexus kho lawv tag, lawv twb tsis tig rov los hais ib lolus “Ua Tsaug! – Thank You!” Lawv tsis nco txog Vajtswv tej txiajntsig lawm.

II. Ntawm sab nqaijtawv, peb tibneeg xav thov kom lwmtus pab tibneeg thiab ua raws li tibneeg lub siab nyiam. (Show deceiving others)



Tibneeg xav tau txojkev zoo tiamsis thaum tibneeg tau tag lawm, tibneeg tsis nco tus uas tau pab nws lawm. Los ntawm tibneeg tus yamntxwv thiab los ntawm “sinful nature – txojkev txhaum tus xwm” tibneeg nyiam siv lwmtus. Ibtus ntxhais lam ua txoj haistias nws nyiam ibtus tub hauv nws lub class room. Nws mus tom tus hluag ntawv lub tsev thiab ua txoj tias mus xyua nws tiamsis qhov tseeb tiag yog nws nyiam thiab xav mus xyua nws tus tijlaug, tus kwv losyog nws tus phoojywg. Ibtus tub lagluam ua siab zoo heev rau nws tus nais - boss. Nws caws nws tus nais tuaj nrog nws noj mov thiab mus ntau golf uake. Qhov tseeb tiag nws yeej tsi xav ntaus kev phoojywg tiamsis nws xav tau nces qibsiab ntawm


nws txoj haujlwm thiab xav tau nyiaj ntau, nws yuavtsum ua li no kom nws tus nais nyiam nws. Tibneeg xav tau li nws lub siab xav heev duas li ua rau txojkev ncajnrees uas yog los ntawm lub siab dawb siab zoo. (Show fake marriage)



Muaj ibtus txivtsev Hmoob nyob tom Detroit hu xovtooj tuaj rau kuv xyoo 2012 tag los no haistias, nws xav kom kuv mus muab nws tus tub tus nyab txig ua txij nkawm. Kuv nug haistias, “Koj zwm rau pawgntseeg twg thiab koj tus xibhwb yog leejtwg?” Nws qhia rau kuv thiab nws hais ntxiv haistias, “Koj yog peb yawmyij ces kuv xav kom koj muab kuv tus tub thiab tus nyab txig ua txij ua nkawm vim kuv yuav muaj dejcawv thiab kev seevcev tomqab txojkev txig txijnkawm tag. Kuv tsis tau pub kom nkawv muaj ntawv sib yuav vim tus nyab tseem kawm ntawv. Kuv tsua xav tau lub koobtsheej pivtxwv rau nkawd kom sawvdaws pom haistias nkawv sib yuav lawm. Kuv thov koj vim peb pawgntseeg muaj txoj kevcai haistias tsis pub muaj dejcawv thiab tsis pub muaj kev seevcev tomqab txojkev txig txijnkawm tag. Yog li ntawd, kuv tus xibhwb thiaj li tsis kam muab nkawd ua lub phipti txig txijnkawm rau nkawd. Kuv thov koj pab kuv puas tau?” Thaum kuv hnov li no tag lawm, kuv thiaj li hais rau tus txivtsev no tias, “Zoo siab uas koj hu tuaj rau kuv, tiamsis thov txim, (1) kuv yuav tsis hla koj tus xibhwb thiab nej pawgntseeg (2) Kuv yuav tsis lam muab nkawd pivtxwv txog txojkev ua txijnkawm – nov yog dag tibneeg, dag lub xeev Michigan, thiab dag Vajtswv (3) Nkawv tus xibhwb yuavtsum

yog tus hu rau kuv pab yog nkawd tus xibhwb tsis khoom vim tus tub yog tswvcuab hauv pawgntseeg thiab xibhwb yog tus saibxyuas tus tub ntawm txojkev ntseeg (4) Kuv tsis lam tau lam siv lub npe ua xibhwb thiab siv pawgntseeg lub npe los mus txig txijnkawm rau tibneeg. Kuv yuavtsum qhuabqhia tus tub thiab tus ntxhais txog txojkev ua txijnkawm uantej thiab thaum nkawd kawm tiav lawm, mam li muab nkawd txig txijnkawm.” Zoo siab uas koj hais kuv tiamsis koj tsis txhob xav li cas, kuv yuav muab nkawv pivtxwv txig txijnkawm tsis tau.”

(Show I need God)




Tibneeg xav siv Vajtswv thiab pawgntseeg los ua kom haum lawv siab. Lawv xav siv Vajtswv thaum uas lawv muaj kev nyuajsiab los xav tau ib yam dabtsi. Dhau ntawv lawv tsis xav muaj Vajtswv thiab pawgntseeg lawm. Lawv tsi xav tuaj hawm Vajtswv, pab dejnum hauv pawgntseeg thiab pab lwm yam. Lawv xav tau Vajtswv thaum ua yoojyim rau lawv. Ntau zaug cov ntseeg xav “Siv Vajtswv” tomqab ntawd, lawv tsis nco Vajtswv txiajntsig lawm. Thaum twg koj muaj ib tus hlub muaj mob, koj quaj thiab thov Vajtswv kom nws zoo. Lub ntuj lub teb

qhuav qawv, koj thov Vajtswv kom nws tso nag los. Thaum koj muaj kev nyuajsiab, koj thov kom Vajtswv txhawb koj. Tiamsis thaum koj tej kev mob, kev nyuajsiab, thiab Vajtswv tso nag los dlhau tag lawm, koj hnov qab ua Vajtswv tsaug. Peb tibneeg “dial 911-emergency” kom Vajtswv pab peb! Tiamsis thaum Vajtswv pab peb tag lawm, peb twb tsis nco nws txiajntsig lawm. Yog Vajtswv thov kom koj pab dejnum hauv pawgntseeg thiab txhawb cov ntseeg – Koj yeej tsi xav pab thiab tsi quavntsej li. Koj tsuas haistias, “I’m too old, too young, I don’t know, and I don’t have time – *Kuv laus lawm, kuv hluas heev, kuv tsis paub, thiab kuv tsis muaj sijhawm*”. Peb txhua leej txhua tus zoo ib yam li cuaj tus mobruas. Peb hu “911” rau Vajtswv - Peb kom nws pab peb tamsim ntawd! Tiamsis thaum kev teebmeem dlhau lawm, Peb twb tsis nco Vajtswv txiajntsig lawm. (Show Praise God)



Peb yog cov ntseeg peb yuavtsum ua lub neej zoo li tus mobruas uas rov los ua Vajtswv tsaug uas yog “Nco Vajtswv Txiajntsig.” Lukas thiaj li sau haistias, “One of them, when he saw he was healed, came back, praising God in a loud voice. He threw himself at Jesus’ feet and thanked him—and he was a Samaritan – *Lawv cov ntawd muaj ibtug pom haistias nws tej ruas zoo tas lawm, nws txawm rov qab los thiab hais nrov nrov ua Vajtswv tsaug. Nws txhos caug ntau ntawm Yexus kotaw ua Yexustsaug. Tus ntawd yog tibneeg Xamalis.*” (Lukas 17:15-16) Tus mobruas tsis hnov qab txog Vajtswv tej txiajntsig. Nws nco ntsoov ua Vajtswv tsaug. Nws qhuas thiab hawm Vajtswv. Los ntawd nws txojkev rov los

qhuas Vajtswv, peb pom tau tias nws muaj txoj kev ntseeg tseeb tsi yog lam dag kom tau li nws siab nyiam. Nws thiaj li zoo siab hlo txho caug ntuas qhuas thiab nco ntsoov Vajtswv txiajntsig. (Show the power of Christ)



Yexus kho tau 10 tus moruas, nov yog pom rau ntawm sab nqaij tawv. Qhov tseeb tiag yog kho tau lawv ntawm sab ntsujplig. Nws pub txojkev hlub thiab kev zamtxim rau lawv. Nov yog Yexus lub homphiaj uas los hauv ntiajteb no yog los cawm tibneeg kom tibneeg tau txojkev zamtxim ntawm kev txhaum. Qhov uas nws kho cov mobruas thiab lwmyam mob yog ua povthawj rau txojkev kom tibneeg pom Vajtswv lub hwjchim thiab kom tibneeg los ntseeg thiab kom txhuatus paub haistias Nws yog Vajtswv. Nws lub hwjchim tsis yog ua kom tibneeg pom ntawm sab nqaijtawv xwb tiamsis ua kom

tibneeg muaj txojkev ntseeg thiab cia siab rau Nws, vim Nws yog ntiajteb tus Cawmseej. Tus uas ntseeg thiab cia siab rau Nws tus ntawd thiaj tau txojcia mus ibtxhis.

III. Tswv Yexus pub txojkev cawmdim no rau peb txhuatus. Nws pub txoj kev hlub, txoj kev haumxeeb thiab txoj kev zamtxim rau txhuatus. **(Show one leprosy thank Jesus)**



Ib tus mobruas rov los qhau cev ntawd Yexus kotaws. Vajtswv txojlus qhia rau peb tias thaum nws qhau cev hlo rau ntawd Yexus kotaws qhia tau haistias nws txaus siab hlo los ntseeg thiab cia siab rau Vajtswv. Peb yuav hais tau tias nws yeej tsi xav sim saib puas tau ib yam tseem ceeb ntawd Vajtswv ua ntej nws mam li mus qhia lwmtus txog txojkev cawmdim. Nws yuav haistias, “Vajtswv yuav siv kuv li cas?” Lukas tsi qhia ntxiv rau peb lawm tias tus txivneej no ua lub neej zoo li cas ntxiv. Tiamsis peb yeej pom tias, thaum nws rov mus txog tsev nws thawj lolus ua nws hais tawm, nws yuav haistias, “Cia kuv qhia koj txog Tswv Yexus. Cia kuv qhia koj txog tus Tswv Yexus uas twb pab tau kuv lawm, kuv yuav nco Vajtswv Txiajntsig thiab saib Vajtswv yuav siv kuv li cas?” **(Show Let me tell you about my Jesus)**



Zoo li tus tibneeg mobruas, peb twb tau txais txoj koobhmoov los ntawm Vajtswv txoj kev hlub thiab tau txojkev cawmdim los ntawm peb tus Cawmseej Tswv Yexus Khetos. Peb rov nug peb tus kheej saib “Vajtswv yuav siv kuv li cas?” Nws yuav siv kuv mus qhia Nws Txojmoozoo txog nws txojkev cawmdim uas yog tau txoj sia mus nyob saum Ntuj Ceebtsheej li cas? Hauv St. Michael’s thiab Our Savior cov ntseg Vajtswv yuav ua li cas? Thaum ua peb muaj sijhawm qhia lwmtus peb yuav haistias, “Cia kuv qhia koj txog kuv tus Tswv Yexus, tus

ua tau pab kuv los lawm.” Thaum ua peb pab pawgntseeg coj devotion, qhia Vajlus kub, pab lwmtus coj txojmoozoo mus rau lwmtus losyog lwm haiv tibneeg, koj yuav hais tau haistias, “Cia kuv qhia koj txog kuv tus Tswv Yexus.” Tej uas koj ua no twb yog koj “Nco Vajtswv Txiajntsig” lawm. **(Show Thank God)**



10 tus mobruas qws nrov nrov kom Yexus pab lawv tej mobruas. 9 tus tau li lawv siab xav tiamsis lawv hnov qab txog Tswv Yexus lawm. 1 tus totaub txog Yexus txojkev hlub thiab kev cawmdim. Nws rov los qhuas thiab ua Yexus tsaug. Cia peb cia siab rau ntawm Vajtswv kom peb yuav ua tau li tus tibneeg mobruas uas rov los ua Vajtswv tsaug rau txhuayam rau thaum peb zoo siab, thaum peb nyuajsiab, losyog thaum peb muaj kev txhawjxeeb. Txawm lub sijhawm zoo li cas los cia peb nco ntsoov ua Vajtswv tsaug rau yam uas Vajtswv tau pub thiab tau pab peb lawm. Cia peb sawvdaws nco ntsoov Vajtswv Txiajntsig. Asmees.

Thov kom Vajtswv txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetso lub npe. Peb txhua tus uas yog Vajtswv cov menyuum, peb sawvdaws hais: Asmees.